

sem lögreglustjóri gerir til þess að hindra brot gegn samþykktinni, en skyldur er hinn seki að endurgreiða kostnaðinn að fullu.

46. gr.

Bæjarsjóður greiðir allan kostnað sem leiðir af framkvæmd samþykktar þessarar **og eigi verður krafist af einstökum mönnum.**

Lögreglusamþykkt þessi sem bæjarstjórn Dalvíkur hefur samið og samþykkt samkv. lögum nr. 1, 3. janúar 1980, sbr. lög nr. 67, 28. nóvember 1919 um lögreglusamþykktir fyrir kaupstaðina, staðfestist hér með til að öðlast gildi þegar í stað og birtist til eftirbreytni öllum þeim sem hlut eiga að máli.

*Dóms- og kirkjumálaráðuneytið, 14. september 1981.*

**Friðjón Þórðarson.**

*Ólafur W. Stefánsson.*

16. september 1981.

Nr.581.

## REGLUGERÐ um búfjárhald í lögsagnarumdæmi Sauðárkróks.

### I. KAFLI

#### Almenn ákvæði.

1. gr.

Tilgangur reglugerðar þessarar er að stemma stigu við óhóflegu búfjárhaldi innan lögsagnarumdæmis Sauðárkróks, tryggja að gróðurlendi bæjarins verði ekki spillt og koma í veg fyrir ágang búfjár á lóðir bæjarbúa.

2. gr.

Búfjárhald (nautgripa, hrossa, svína, sauðfjár, geita, alifugla) er óheimilt innan lögsagnarumdæmis Sauðárkróks, nema með sérstöku leyfi bæjarstjórnar.

3. gr.

Sá sem hyggst sækja um leyfi samkv. 2. gr. skal senda um það umsókn til bæjarráðs. Í umsókninni skal gera grein fyrir fjölda búfjárins, sem óskað er leyfis fyrir, hvernig geymslu þess skuli háttað, fóðuröflun og öðru er máli kann að skipta. Leyfisveiting fyrir hesta og sauðfé er háð því að umsækjandi sé félagi í viðkomandi félagasamtökum (hestamanna eða fjáreigenda) séu þau starfandi og skal vottorð þess efnis fylgja umsókninni.

4. gr.

Nú telur bæjarstjórn að skilyrði til búfjárhalds séu fyrir hendi og getur hún þá veitt leyfi, sem bundið er við tiltekinn hámarksfjölda. Veitt leyfi til búfjárhalds skuldbindur þó ekki Sauðárkróksbæ til þess að sjá leyfishöfum fyrir beitilandi handa búfé, né veita þeim aðra aðstöðu til búfjárhaldsins. Leyfið er veitt til óákveðins tíma, en er uppsegjanlegt með árs fyrirvara miðað við 1. júní ár hvert. Leyfið er háð gildandi reglugerð um búfjárhald á hverjum tíma og er gefið út á nafn og er ekki framseljanlegt.

5. gr.

Bæjarstjórn getur ákveðið að greiða skuli gjald fyrir veitt leyfi til búfjárhalds. Má ákveða gjald fyrir hvern grip sem leyfi er veitt fyrir, eða ákveðna upphæð fyrir hvert leyfi. Leyfi þetta öðlast ekki gildi fyrir en leyfisgjald hefur verið greitt.

## 6. gr.

Sá sem fær leyfi til búfjárhalds samkvæmt reglugerð þessari, skal hafa búféð í öruggri vörslu og ber hann ábyrgð á öllu því tjóni sem það kann að valda.

## 7. gr.

Ef leyfishafi brýtur reglugerð þessa um meðferð búfjárins, má afturkalla leyfið og getur þá umsjónarmaður hlutast til um að búféð sé tekið úr vörslu eiganda og er heimilt að selja það á opinberu uppboði, eða slátra því. Þannig má og fara með búfé sem ekki hefir verið fengið leyfi fyrir.

## 8. gr.

Enginn má hafa búfé nema hann hafi yfir það hús sem samræmist kröfum heilbrigðisreglugerðar. Heilbrigðisfulltrúi skal áður en leyfi er veitt, staðfesta að skepnuhús samræmist kröfum heilbrigðisreglugerðar.

Leyfishafi ber einn ábyrgð á því að hann hafi beutiland handa búfé sínu á sumrin og fóður á veturna, svo og á allri meðferð búfjárins. Ef búfjáreigandi vill láta búpening ganga úti að vetri eða beita búfé, skal það því aðeins heimilt, að búféð sé í öruggri vörslu.

## II. KAFLI

### Um sauðfjárhald.

## 9. gr.

Félagasamtök fjáreigenda tilnefna trúnaðarmann, sem í samvinnu við umsjónarmann skal fylgjast með að leyfður fjöldi sauðfjár fari ekki yfir sett hámark og umsækjendur hafi hús og möguleika til fóðuröflunar og aðra nauðsynlega aðstöðu.

## 10. gr.

Óheimilt er að hafa sauðfé neðan afréttargirðingar á tímabilinu 15. júní til 1. september, nema með sérstöku leyfi umsjónarmanns og skal slíkt leyfi vera skriflegt. Nauðsynleg skilyrði má setja í leyfið.

## 11. gr.

Heimilt er umsjónarmanni að láta smala og reka til afréttar fé, sem er neðan fjallskilagirðingar eftir 15. júní og ekki er leyfi fyrir samkvæmt 10. gr. Lausagöngufé má reka fyrir til afréttar. Eigendur slíks fjár má krefja um allan kostnað, sem af smölun hlýst.

## III. KAFLI

### Um hestahald.

## 12. gr.

Félagasamtök hestamanna tilnefna trúnaðarmann, sem í samvinnu við umsjónarmann skal fylgjast með því að leyfður fjöldi hesta fari ekki yfir sett hámark og umsækjendur hafi hús, möguleika til fóðuröflunar og aðra nauðsynlega aðstöðu, svo sem beutiland.

## 13. gr.

Bæjarstjórn felur félagi hestamanna umsjón og rekstur lands þess, sem hrossum er ætlað til beitar, náist samkomulag þar um.

## 14. gr.

Félag hestamanna skal setja reglur um hagagöngu, sem bæjarstjórn staðfestir.

## IV. KAFLI

**Um byggingar peningshúsa o. fl.**

## 15. gr.

Byggingar peningshúsa eru aðeins leyfðar á skipulögðum búfjársvæðum, sem bundin skulu í aðalskipulagi bæjarins.

## 16. gr.

Bæjarstjórn getur ákveðið bann við öllu búfjárhaldi innan ákveðinna svæða bæjarlandsins og geta þau náð út fyrir hin skipulögðu byggingarsvæði, ef þurfa þykir. Geymsla búfjár á erfðafestulöndum, þar sem leyft er skv. framansögðu, skal því aðeins heimil, að girðingar umhverfis þau séu örugglega fjárheldar.

## 17. gr.

Halda skal skrá um leigð lönd. Leitast skal við að taka til greina tillögur stjórnna hestamanna- og fjáreigendafélaganna um leigu á löndum, sem miða að því að jafna aðstöðu félagsmanna.

## 18. gr.

Einstaklingar og félög hesta- og fjáreigenda, sem hafa lönd á leigu eða til umsjónar, skulu leitast við að viðhalda gróðri landsins og efla hann m. a. með því að bera á löndin eftir þörfum. Leigutaki (umsjónaraðili) skal gæta þess að löndin verði aldrei ofbeitt. Umsjónarmaður skal fylgjast með ástandi leigulanda, en getur einnig kvatt til óvilhalla menn, ef ástæða þykir til.

## V. KAFLI

**Um jarðeigna- og búfjárnefnd.**

## 19. gr.

Daglegt eftirlit með jarðeignum bæjarins og vörslu bæjarlandsins, skal vera undir stjórn umsjónarmanns eða þess sem bæjarstjórn ákveður.

## 20. gr.

Jarðeigna- og búfjárnefnd skipa 3 menn og 3 til vara, kosnir af bæjarstjórn til 4 ára í senn. Trúnaðarmenn félagasamtaka skv. 9. og 12. gr. hafa rétt til setu á fundum nefndarinnar með málfrelsi og tillögurétti.

Með kosningu jarðeigna- og búfjárnefndar leggst landbúnaðarnefnd niður. Nefndin er ráðgefandi um málefni jarðeigna bæjarins og allt er búfjárhald varðar. Bæjarráð getur falið henni að gera tillögur til ráðsins um afgreiðslu umsókna um búfjárhald og leigu á löndum til beitar og ræktunar.

Umsjónarmaður skv. 19. gr. skal sækja fundi nefndarinnar.

## 21. gr.

Jarðeigna- og búfjárnefnd gerir tillögur til bæjarstjórnar um skipan forðagæslumanna og fjallskilastjóra. Nefndin skal starfa með fjallskilastjóra og aðstoða hann eftir föngum. Meðal annars skal hún gera tillögur um fjallskilagjöld ásamt fjallskilastjóra.

## VI. KAFLI

**Ýmis ákvæði.**

## 22. gr.

Auk ákvæða reglugerðar þessarar gilda ákvæði heilbrigðisreglugerðar í kafla XVII um peningshús, búrekstur og skepnuhöld, ákvæði lögreglusamþykktar fyrir Sauðárkrókskaupstað í kafla IX um skepnuhald o. fl. og fjallskilareglugerð Skagafjarðarsýslu.

## 23. gr.

Umsjónarmaður skal, ásamt lögreglu, láta handsama og taka í vörslu bæjarins búfé, svo sem hesta, nautgripi og sauðfé, sem látið er ganga laust í bænum gagnstætt fyrir mælum samþykktar þessarar. Ennfremur geta þeir sem fyrir ágangi verða, látið handsama ágangs-féð, en þeir skulu skýra umsjónarmanni eða lögreglu frá því tafarlaust. Eigendum slíks fénaðar ber að greiða allan kostnað af handsömun þess, fóðrun og annan kostnað sem af slíku leiðir og má láta selja búfénaðinn á opinberu uppboði til lúkningar kostnaðinum, verði fénaðurinn ekki leystur út innan sólarhrings frá því að eigandinn fékk vitneskju um hand-sömunina, eða ef eigi er vitað um eiganda innan hæfilegs tíma eftir að auglýsing um fénaðinn hefur verið birt. Einnig skal eigandi slíks búfjár bæta það tjón er búféð hefur valdið. Ef um ítrekað brot verður að ræða á lausagöngu fjár, varðar það sektum og leyfissviptingu.

## 24. gr.

Brot gegn reglugerð þessari varða sektum. Með mál út af brotum skal farið að hætti opinberra mála.

## VII. KAFLI

**Ákvæði til bráðabirgða.**

## 25. gr.

Allir þeir, sem við gildistöku reglugerðar þessarar eiga eða hafa í umsjá sinni búfé sem fellur undir reglugerðina, skulu innan sex mánaða frá gildistöku hennar hafa tilkynnt um búfjárhald sitt og sótt um leyfi ella fellur niður heimild þeirra til þess að halda búfé, sbr. þó 2. gr. laga nr. 44 23. maí 1964.

Reglugerð þessi, sem bæjarstjórn Sauðárkrókskaupstaðar hefur samið og samþykkt, staðfestist hér með samkvæmt lögum nr. 44 23. maí 1964 um búfjárhald í kaupstöðum og kauptúnum til þess að öðlast gildi þegar í stað.

*Félagsmálaráðuneytið, 16. september 1981.*

F. h. r.

**Hallgrímur Dalberg.**

*Hólmsfríður Snæbjörnsdóttir.*

**REGLUGERÐ**  
**um gatnagerðargjöld á Blönduósi.**

## 1. gr.

Sveitarstjórn er heimilt að leggja gatnagerðargjöld á lóðir og byggingar í Blöndu-óshreppi, eftir því sem nánar segir í reglugerð þessari. Heimilt er að leggja gatnagerðargjald á land, sem sambærilegt telst, þótt ekki sé sérstök lóð.

## 2. gr.

Gatnagerðargjöld eru tvenns konar: A-gjald sem er gjald vegna þátttöku lóðarhafa í kostnaði við að undirbyggja götur ásamt tilheyrandi lögum, og B-gjald sem er gjald vegna þátttöku lóðarhafa í kostnaði við að leggja bundið slitlag á götu og ganga frá gangstéttum.

## 3. gr.

A-gjald vegna nýbygginga og viðbygginga við eldri hús skal miðað við ákveðinn hluta